

ՀԱՅ-ՌՈՒՍԱԿԱՆ ՔԱՂԱՔԱԿԱՆ ԿԱՊԵՐԻ ՊԱՏՄՈՒԹՅՈՒՆՆԵՑ

Վ. Ա. ԽԱՉԱՏՐՅԱՆ

Ռուսաստանում հայ բնակչության շեշտակի աճը, ինչպես և հայ եկեղեցու պետերի ու ուսական արքունիքի միջև XVIII դարի սկզբներին հաստատված կապերը հանգեցրին ուսահայոց թեմ ստեղծելու և թեմական առաջնորդ նշանակելու անհրաժեշտությունը:

1717 թ. էջմիածնի կաթողիկոս Աստվածատուր Համադանցին Ստեփանոս արքեպիսկոպոս Գաղաթաղուն նշանակեց ուսահայոց նորաստեղծ թեմի առաջնորդ՝ Աստրախան նստավայրով: Այդ նույն ժամանակ Գանձասարի կաթողիկոս Եսայի Հասան-Ջալալյանը, որը գործուն մասնակցություն էր ունեցել պարսիկ և թուրք նվաճողների դեմ մղված աղգային-ազատագրական պայքարին և անմիջական քաղաքական հարաբերություններ հաստատել Պետրոս I-ի արքունիքի հետ, նույնպես անհրաժեշտ էր համարել ուսահայերը համար ունենալ թեմական առաջնորդ, որը հոգալու էր Աղվանից կոչվող աթոռի իրավասության տակ ընկնող շրջաններից Ռուսաստան գաղթած հայերի հոգևոր կարիքները: 1716 թ. Իսրայել Թրու դինակից Մինաս վարդապետի Ղարաբաղ ժամանելուց (Պետրոս I-ի հանձնարարությամբ) օգտվելով, Եսայի կաթողիկոսը նրան եպիսկոպոս ձեռնադրեց և, շնորհելով արքեպիսկոպոսի աստիճան, ուղարկեց Ռուսաստան որպես թեմական առաջնորդ¹:

Այսպիսով, թեև հետագա հարյուր տարիների ընթացքում ուսահայերն ունեին միայն մեկ թեմ, բայց հիմնադրման հենց սկզբից նրա ղեկավարման գործում ի հայտ եկավ էջմիածնի և Գանձասարի կաթողիկոսների հակամարտությունը: Եվ չնայած վերջինս դավանաբանական հարցերում ճանաչում էր էջմիածնի գերիշխանությունը, այդուհանդերձ, վարչական տեսակետից ինքնուրույն էր կառավարում Արևելյան Անդրկովկասի հայերին և այժմ նպատակադրվել էր իրեն նստակից նաև քաղաքական տեսակետից կարևոր և հարուստ ուսահայ թեմը:

Մինաս արքեպիսկոպոսը մինչև իր մահը (1740 թ.) ապրում էր Մոսկվայում կամ Պետերբուրգում և փաստորեն չէր կատարում թեմական առաջնորդի պարտականությունները, թեև Ռուսաստանում հայ եկեղեցու գրության վերաբերյալ առանձին հարցերով երբեմն դիմում էր ուսական կառավարությանը: Նամակներից մեկում նա բողոքում և խոստովանում էր, որ Ռուսաստանի (այդ թվում և Աստրախանի) հայերն իրեն չեն ճանաչում որպես իրենց հոգևոր հովիվ: Միաժամանակ, մի այլ աղբյուրից հայտնի է, որ 1717 թ.

¹ Г. А. Эзов, Сношения Петра Великого с армянским народом, СПб. 1898, էջ 323:

² Նույն տեղում, էջ 461:

ծինչև XVIII դարի կեսերը Ռուսաստանի ամենամարդաշատ հայ գաղութում՝ Աստրախանում փոխվել են յոթ եպիսկոպոսներ՝ Ստեփանոս Գաղաթացին, Սարգիս Կեսարացին, Ներսեսը, Մաղաքիան, Կարապետը, Գրիգորը և, վերջապես, Բարսեղ Փարաղեցին, որ նշանակվել էր 1745 թ.³ Ըստ երևույթին, նրանք բոլորն էլ նշանակված են եղել էջմիածնի կաթողիկոսի կողմից։ Այսպես շարունակվում է մինչև 1749 թ., երբ Սիմեոն կաթողիկոս Երևանցու հաղորդած տվյալների համաձայն «...ի ժամանակս Ղազար կաթողիկոսին ճահ-կեցույ, ի ՌՃՂԸ թուոջն մերում ապստամբեցան (Աստրախանի հայերը—Վ. Խ.) լկթոռոյս, և եղին իւրեանց յատուկ Առաջնորդ հրամանաւ թաղաւորին Ռուսաց զՍտեփաննոս Եպիսկոպոս ոմն ի վիճակէն Գանձասարու վասն դժնեալ բարոյութեան Բարսեղ Եպիսկոպոսին Փառակեցույ, որ յայնմ միջոցի առաջնորդ էր տեղւոյն ի Ղազար կաթողիկոսէն կարգեցեալ»⁴։ Այս համառոտ հաղորդման մեջ թաքնված են իրադարձություններ, որոնց պատճառներն ավելի խորն են, քան այս կամ այն եպիսկոպոսի բնավորությունից եղած անբավականությունը։

Մատենադարանի արխիվային բաժնում պահպանվել է Բարսեղի դեմ Ղազար կաթողիկոսին Աստրախանի հայերի գրած գանգատի բնագիրը, որը պարունակում է նաև Բարսեղի փոխարեն Ստեփանոս վարդապետին թեմակալ նշանակելու խնդրանքը⁵։ Բողոքի տակ կա երեսուներեք ստորագրություն և Աստրախանի ամենաերևելի հայերի՝ Բունիաթի որդի Գալուստի, Դավիթ Նաչատրյանի, Մուրադի որդի Պողոսի, Դավիթ դի Գրիգորի, Հովհաննեսի որդի Սարգսի, Կարապետի որդի Պողոսի, Գրիգորի որդի Նդիազարի և այլոց կնիքները (ընդամենը 25 կնիք)։ Փաստաթուղթը թվագրված է 29 սեպտեմբերի 1749 թ.։

Այդ բողոքագրից պարզվում է, որ Բարսեղ վարդապետը, Աստրախանում իր հայտնվելու պահից (1748 թ.), կոպտություն և ամբարտաճան վարքով իրենից վանել է տեղի բնակչությանն ու հոգևոր պաշտոնյաներին։ Աստրախանի հայերը հիշեցնում են, որ իրենք այդ մասին գրել են էջմիածին տա-կավին 1748 թ. և 1749 թ. սկզբին, սակայն իրենց խնդրանքը ոչ մի արձագանք չի գտել։ Թվարկելով Բարսեղի մի շարք հանցանքները (գրամի յուրացում և այլն), գանգատի հեղինակները խնդրում են որպես նվիրակ և ռուսա-այոց հոգևոր առաջնորդ օրհնել Ստեփանոս վարդապետին, որին ռուսական կառավարությունն արդեն հաստատել էր։

Ե՛վ «Ջամբուխ» վերոհիշյալ հատվածում, և՛ բուն գանգատի մեջ ուշադրավ է այն փաստի հիշատակումը, որ Ստեփանոսը ստացել է «ռուսական ցարի թույլտվություն»։ Ինչի՞ց էր առաջացել նման վերապահումը։

Նույն ալդ տարիներին, իրենց իրավունքների համար հայերի մղած համառ պայքարի շնորհիվ, 1746 թ. սեպտեմբերի 17-ի հրամանագրով Աստրախանում ստեղծվեց հայկական դատարան (ռատհաուզ), հաստատվեցին Աստ-

3 Շ ո վ ս ե փ ա վ ա գ ք ա հ ա ն ա Բ ու ն ի ա թ յ ա ն ց, Համառոտ տեղեկագիր Աստրախանու հայոց թեմի վերա, «Արարատ», էջմիածին, 1876, Թ, էջ 325։

4 «Ջամբու, Համաժողովեցեալ և շարադրեցեալ ի Սիմէօնէ կաթողիկոսէ Երևանցույ», Վաղարշապատ, 1873, էջ 39։ Մեզ հետաքրքրող իրադարձությունները շարադրված են «Ջամբուխ» այն հատվածում, որը նկարագրում է հենց Սիմեոնի գործունեությունը և գրված է, ինչպես իրավացիորեն ենթադրում են հետազոտողները, այլ հեղինակի կողմից։

5 Մաշտոցի անվ. Մատենադարան, Կաթողիկոսական դիվան, թղթ. 243, վավ. 11։

րախանի հայերի արտոնությունները և ամրապնդվեց նրանց վարչական-իրավական դրությունը ռուսական օրենսդրական համակարգում:

Սրան հակառակ, մի քանի տարի առաջ (1742 թ. հունվար) հրապարակված հրամանագրով վերացվել էին Ռուսաստանի բոլոր հայկական եկեղեցիները (բացի Աստրախանի եկեղեցուց), որ չէր կարող դժգոհություն չառաջացնել ռուսահայերի միջավայրում: Աստրախանում հայկական դատական վարչական օրգանի ստեղծումը, որպես նրանց իրավական ստատուսի ամրապնդման արդյունք, ըստ երևույթին նրանց հանգեցրեց իրենց եկեղեցական իրավական դրությունը ռուսական օրենսդրության հետ համաձայնեցնելու անհրաժեշտության ըմբռնմանը: Ավագերեց Բռանն Սավինսկին իր «Աստրախանի թեմի հայերը» աշխատությունում գրում էր. «Ռատհանովի հիմնադրումը առավել սերտորեն պետք է համախմբեր Աստրախանի հայ համայնքը: Շուտով նրանք հասկացան, որ իրենց եկեղեցական գործերը ևս անհամեմատ հաջող կընթանան, եթե հայերին զլխավորի մի հոգևոր ներկայացուցիչ, որը որպես այդպիսին ճանաչվի կառավարության կողմից»⁶:

Փաստաթղթերի մեջ խիստ բնորոշ կերպով արտացոլված է շրջադարձային այդ պահը: «Հայ ժողովրդի պատմության տեսության վերաբերյալ ակտերի ժողովածուում» հրապարակված արխիվային փաստաթղթերը վկայում են, որ 1749 թ. հուլիսին Արտաքին գործերի կոլեգիան որոշում է ընդունել «Հայ արքեպիսկոպոս Ստեփանոսի խնդրագրի վերաբերյալ, նրան Աստրախան մեկնելու թույլտվության և այնտեղ բնակվող բոլոր հայերի հոգևոր առաջնորդությունը ստանձնելու մասին, այնտեղ գտնվող հայ Վասիլ ավագերեցի փոխարեն»⁷:

Ստեփանոսը ռուսական կառավարությանը վաղուց հայտնի անձնավորություն էր: Ինչպես 1733 թ. վրաց թագավոր Վախթանգի մերձավորներից մեկը խնդրագիր էր մատուցել Ռուսաստանի արտաքին գործերի կոլեգիային՝ ավագերեց Ստեփանին Աստրախանում բնակություն հաստատելու թույլտվություն տալու մասին⁸:

Մյուս խնդրագրից, որ 1738 թ. արտաքին գործերի կոլեգիա է մատուցել ինքը՝ «արխիմանդրիտ Ստեփան Անանյինը» (վարդապետ Ստեփանոս Անանյանը), երևում է, որ նա վաղուց էր գտնվում Վախթանգ թագավորի արքունիքում և ղեկ Պետրոս I-ի պարսկական արշավանքի շրջանում, ինչպես և հետագա տարիներին, կատարում էր Վախթանգի քաղաքական հանձնարարությունները, մեկնում էր պարսիկների կողմից դավթված Հայաստանի և Վրաստանի շրջանները՝ կոչ անելով աջակցել ռուսական բանակին և նրան դաշնակցած վրաց-հայկական զորքերին, «որի համար այդ վայրերում թրջնամու կողմից ատելի էր դարձել»⁹: Ստեփանոսը մնաց Վախթանգի մոտ նաև վերջինիս Վրաստանից արտաքսվելուց հետո՝ ընդհուպ մինչև Աստրախան տեղափոխվելը: Ստեփանոսի ծառայությունը Վախթանգ թագավորին, ինչպես

⁶ Ноаи Савински, Армяне астраханской епархии и отношение к ним местных архипастырей в XVIII веке, Астрахань, 1900, էջ 26:

⁷ «Собрание актов, относящихся к обозрению истории армянского народа», ч. 1, М., 1833, էջ 374:

⁸ Архив внешней политики России (АВПР), ф. 100 (Сношения России с Арменией), оп. 1, 1733, д. 5, Բ. 1:

⁹ Նույն տեղում, 1738, Ժ. 1, Բ. 12:

նաև ռուսական շահերի օգտին նրա գործունեությունը դրավոր վկայվել է նաև Վախթանգի որդու՝ ռուսական բանակի ղեկավար-լեյտենանտ, արքայազն Բակարի կողմից¹⁰։

Այսպիսով, Ստեփանոսը Անդրկովկասի ժողովուրդների ազգային-ազատագրական շարժման գործուն մասնակիցներից մեկն էր, որն իր ծառայությունների դիմաց կարող էր ակնկալել ռուսական արքունիքի հովանավորությունը։ Այդ պատճառով էլ աստրախանցիների և էջմիածնի նվիրակ Բարսեղի ընդհարման ժամանակ նա սպասողական դիրք չգրավեց, այլ անձամբ մեկնեց Պետերբուրգ և օգտագործելով իր կապերը, հաստատվեց ռուսահայերի հոգևոր հովվի պաշտոնում։

Հավանաբար, Ստեփանոսի նախաձեռնությամբ Մոսկվայի և Աստրախանի հայերի անունից խնդրագիր է ներկայացվում Արտաքին գործերի կոլեգիա։ Խնդրագրի մեջ նշվում էր, որ Ռուսաստանի հայերը հոգևոր առաջնորդ չունեն։ Բարսեղի (Վասիլիի) վերաբերյալ ասվում է, որ նա էջմիածնից ուղարկված է Ռուսաստան որպես սոսկ նվիրակ, եկեղեցաշինության համար միջոցներ ժողովելու համար և քանի որ արդեն հավաքել է բավարար քանակությամբ դրամ, ուստի պետք է վերադառնա Արարատյան վանքը (էջմիածին)։ Սակայն, մերժելով այդ մասին նրան արված առաջարկը, նա շարունակում է մնալ Աստրախանում և ծախսել իր ժողոված դրամը, որի համար հայերի հետ մշտապես վեճի է բռնվում և այլն¹¹։ Այնուհետև, խնդրագրի հեղինակները մատնացույց են անում Ստեփանոսի՝ որպես հոգևոր առաջնորդի թեկնածության առավելությունները։ Վերջինս ավելի քան քսան տարի է ինչ ապրում է Ռուսաստանում ու անշահախնդիր աշխատել է հօգուտ Ռուսաստանի, ուստի լիովին արժանի է խրախուսանքի և ապրուստի միջոցներ ստանալու¹²։ Այս խնդրագրի արդյունքը, ինչպես դիտենք, եղավ այն, որ արտաքին գործերի կոլեգիան ընդառաջ գնաց Ստեփանոսին, իսկ Բարսեղին կարգադրվեց Աստրախանից մեկնել ալնտեղ, որտեղից եկել էր, այսինքն՝ էջմիածին¹³։

Կաթողիկոսը չբավարարեց Աստրախանի հայերի խնդիրքը, սակայն Ստեփանոսը, որն արդեն հաստատվել էր ռուսական արտաքին գործերի կոլեգիայի կողմից, շարունակեց կատարել թեմական առաջնորդի իր պաշտոնը, ընդունելով Գանձասարի ներսես կաթողիկոսի գերակայությունը, որի հետ նա վաղուց կապված էր և եպիսկոպոս էր ձեռնադրվել նրա կողմից¹⁴։

«Նւ յայնմ հետէ,— գրում է այդ դեպքերի առնչությամբ Սիմեոն Նրեանցին,— ի յԱթոռոյս Եպիսկոպոս ոչ եմուտ այն երկիրն. զի հրամանաւ Թագաւորին արգելեցաւ, այլ մասնաւոր վարդապետ մի գնայր նուիրակ անուամբ միայն՝ ընդ բոռամբ Առաջնորդին լինելով՝ որպէս ղժողովարար մի՝ կամաւորապէս ժողովէր զնուիրակութիւնն ի բոլորէն զմասն հաղիւ առնելով զայր յԱթոռս... Վասն որոյ և Գանձասարու Ներսէս Կաթողիկոսն ժամ դտեալ (և մանաւանդ զի տեղույ Առաջնորդն յիւր վիճակէն էր, և յինքենէ Եպիսկոպոս

¹⁰ Նույն տեղում, թ. 15։

¹¹ Նույն տեղում, 1767—1768, Ղ. 1, թ. 43։

¹² Նույն տեղում, թ. 44։

¹³ Նույն տեղում, թ. 45։

¹⁴ «Ջամբու», էջ 39։

ձեռնադրեցնալ) և յերկիրն ևս զլիսաւոր իշխանք ոմանք ի Շամախու և ի յայլ վիճակէ նորին էին, սկսաւ յոտն ածել յայն յերկիրն (Ռուսաստան)»¹⁵։

Այսպիսով, Ստեփանոսին թեմական առաջնորդ հաստատելով, ռուսահայերը հետամտում էին իրենց եկեղեցական-իրավական դրության ամրապնդումը ռուսական օրենսդրության շրջանակներում, 1746 թ. Աստրախանի հայկական համայնքին տրված արտոնությունների և հայկական դատարանի ստեղծման փաստի մեջ տեսնելով ռուսական կառավարության բարյացալից վերաբերմունքը հայերի նկատմամբ։ Ռուսահայ գաղթավայրերի ղեկավարներն ըմբռնում էին, որ անհրաժեշտ է առաջին հերթին հենց այդ կառավարության հետ համաձայնեցնել իրենց եկեղեցական գործիչների թեկնածությունը։

Այսպիսով, Աստրախանի հայերը գործեցին հօգուտ այն թեկնածուի, որին սատարում էր ռուսական կառավարությունը և հօգուտ այն կաթողիկոսի (ավելի ղեկավար՝ Գանձասարի կաթողիկոս Ներսեսի), որը կողմնակից էր Ռուսաստանի հետ համաձայնեցված ազատ գործողություններ ծավալելուն։ Գանձասարի կաթողիկոսության ղեկավարները դեռևս XVIII դարի սկզբներից գործուն մասնակցություն էին բերում հայ ժողովրդի ազատագրական պայքարին և ռուսական պետության հետ ռազմաքաղաքական համագործակցության փորձ ունեին։

Մյուս կողմից, Ղազար Ջահեցի կաթողիկոսն ու էջմիածնի հոգևորականությունը, թեև ըմբռնում էին ռուսական թեմի տնտեսական և քաղաքական մեծ նշանակությունը որպես ազգային ազատագրական շարժման գլխավոր հենակետի, սակայն դեռևս չէին որոշել ուղղակի քաղաքական կապեր հաստատել Ռուսաստանի կառավարող շրջանների հետ։

Մենք համաձայն ենք Ֆ. Պողոսյանի¹⁶ հետ, որ էջմիածնի դիրքը չէր վկայում այն մասին, թե ժողովրդի ազատագրական պայքարին աջակցելու գործում բացակայում էր Ռուսաստանի դերի ըմբռնումը, այլ որ այն թելադրված էր առկա իրավական նկատառումներով, որոնք պայմանավորված էին պարսկական և թուրքական բռնակալներից էջմիածնի աթոռի կախվածության մեջ։ Սակայն էջմիածնի և Գանձասարի քաղաքական դիրքորոշման արտաքին տարբերությունն ակնհայտ էր և ժողովրդական դանդաղացիների (առավել ևս Անդրկովկասի սահմաններից դուրս գտնվող հայերի) մոտ ստեղծվում էր այն տպավորությունը, թե այդ տարածայնությունների հիմքը ազատագրական պայքարի և հայ-ռուսական հարաբերությունների հարցերին տարբեր մոտեցումն էր։

Աստրախանի թեմական առաջնորդի պաշտոնում Ստեփանոսի գործունեությանն անդրադառնալիս հարկ է նշել, որ նրա վերահսկողությամբ է ընթացել նաև Աստրախանի հայոց Դատաստանագրքի՝ հայ իրավունքի նշանավոր այդ հուշարձանի ստեղծման աշխատանքը¹⁷։

Աստրախանի հայերի քանակական աճի, ինչպես նաև իրավական վիճակի բարելավման մասին է վկայում նոր եկեղեցիների կառուցման փաստը։ Քաղաքում խոշորագույն Պողոս Պետրոսի հայկական եկեղեցու համար ըն-

¹⁵ Նույն տեղում։

¹⁶ Ֆ. Պողոսյան, էջմիածնի կաթողիկոսությունը և հայ-ռուսական հարաբերությունները 18-րդ դ. առաջին քառորդում, ՀՍՍՀ ԳԱ «Լրագր» (հաս. դիտ.), 1977, № 4, էջ 24։

¹⁷ Նաչտոցի անվ. Մատենադարան, ձև. № 7383։

տրրվեց հողամաս, որը պատկանում էր Մոսկվայում ապրող, լիյբ-զվարդիայի փոխգնդապետ Դավրիիլ Նազարովին¹⁸ (ուշագրավ է, որ նա XVIII դարի 20-ական թթ. Անդրկովկասի ժողովուրդների ազգային-ազատագրական շարժման ակտիվ մասնակից Դավիթ Նազարովի որդին էր)¹⁹:

Այս բոլոր իրադարձությունները՝ հայկական զաղութի աճը, 1762 և 1763 թթ. Մանիֆեստները, որոնցով խրախուսվում էր օտարերկրացիների մուտքը Ռուսաստան, հայկական եկեղեցիների շինարարությունն արգելու 1742 թ. հրամանագրի վերացումը, հայերին արտոնություններ շնորհող 1765 թ. հրամանագրի հաստատումը էլ ավելի ամրապնդեցին ռուսահայերի իրավական դրությունը (ինչպես վարչական, այնպես էլ եկեղեցական): Դա ռուսական կառավարության հովանավորող քաղաքականության արդյունքն էր, որը նպաստեց հայ ժողովրդի ազգային-ազատագրական պայքարի մեջ ռուսահայերի քաղաքական հեղինակության բարձրացմանը: Հայերի նկատմամբ ռուսական կառավարության հովանավորող քաղաքականության դրսևորումն էր, մասնավորապես, արքեպիսկոպոս Ստեփանոսի գործունեության խրախուսումը: Այդ քաղաքականության արդյունքն էր նաև Աստրախանի թեմի ամրապնդումը:

Այս հանգամանքները, անշուշտ, իրենց դերն ունեցան, և հայ եկեղեցու բարձրաստիճան գործիչները, էջմիածնի կաթողիկոսի գլխավորությամբ, ավելի պարզ գիտակցեցին հայ-ռուսական հարաբերությունների զարգացման բխտորոշ նշանակությունը: Նրանք չէին կարող չըմբռնել նաև, որ էջմիածնից Աստրախանի թեմի անջատումը կատարվել էր ոչ այնքան սուբյեկտիվ, որքան քաղաքական դրդումներով, որ այդ թեմն ունի ոչ միայն տնտեսական (էջմիածնի աթոռի եկամուտների աճի առումով), այլև քաղաքական մեծ նշանակություն:

Մատենադարանում պահպանվել են այն նամակների բնագրերը, որ հենց այդ տարիներին թեմի ինքնավարության հարցի շուրջ գրել են միմյանց Սիմեոն կաթողիկոսը և Աստրախանի հայերը: Սիմեոնի նամակը²⁰ գրված է 1764 թ. հունվարի 7-ին (կաթողիկոս ընտրվելուց անմիջապես հետո): Նա տեղեկացնում է աստրախանցիներին, որ Գանձասարի ներսես կաթողիկոսի մահվանից հետո պայքար էր սկսվել նրա աթոռի համար: Հավակնորդներից Հովհաննեսը ճանաչել է էջմիածնի գերագահությունը Գանձասարի նկատմամբ և Սիմեոնի կողմից հաստատվել ազվանից կաթողիկոս, իսկ մյուս հավակնորդը՝ Իսրայելը, բանադրվել է: Շարադրելով այդ բոլոր իրադարձությունները, Սիմեոնը հորդորում է աստրախանցիներին՝ խզել իրենց կապը Գանձասարից և ենթարկվել անմիջապես էջմիածնի կաթողիկոսությանը: Միաժամանակ Սիմեոնն Աստրախան է առաքում իր նվիրակ Հովհաննես Քանաքեոցուն²¹:

Աստրախանցիների պատասխան գրությունը Սիմեոնին շարադրվել է դրանից ուղիղ երեք տարի անց՝ 1767 թ. հունվարի 3-ին, ընդ որում, ի տար-

¹⁸ ГАЛО, ф. 394, оп. 1, д. 2403, л. 4—5.

¹⁹ Վ. Կ. Ոսկանյան, Վ. Ա. Դիլոյան, Ռուսաստանի քաղաքականությունը Անդրկովկասում XVIII դարի 20-ական թթ. (նոր վավերագրեր), «Պատմա-բանասիրական հանդես», 1964, № 2, էջ 251:

²⁰ Մաշտոցի անվ. Մատենադարան, Հաղարյանների արխիվ, թղթ. 109, վավ. 22, թ. 1 ա:

²¹ «Դիւան հայոց պատմութեան», դիրք Դ, Թիֆլիս, 1894, էջ 84:

բերություն Սիմեոնի ծավալուն ուղերձի, ունի զուսյ տոն և շատ համառոտ է (ընդամենը կես էջ)։ Ինչով բացատրել պատասխանի այդքան ուշացած և զուսյ լինելը։

«Ջամբուռ» ամսական տվյալներից պարզվում է, որ Ստեփանոս Եպիսկոպոսը և Աստրախանի մեղամեծները ղանդաղել են ընդառաջել կաթողիկոսի հորդորներին, թշնամաբար են ընդունել նրա ուղարկած նվիրակ Հովհաննեսին և այլն²²։ Ո՛չ Ստեփանոսը, ո՛չ էլ Աստրախանի ղաղութի ղեկավարներից որևէ մեկը նույնիսկ չպատասխանեցին կաթողիկոսի նամակին²³։

Ինչպես երևում է, աստրախանցի հայերը էական տարբերություն չէին տեսնում Սիմեոնի և նրա նախորդների միջև, որի պատճառով էլ ոչ մի նշանակություն չէին տալիս նրա կոչերին։ Մյուս կողմից, նոր նվիրակ Հովհաննեսը, հավանաբար, մեծ սրահանջներ էր ներկայացրել Եկամուտներից էջմիածնի բաժինը ավելացնելու հարցում, քանի որ կանգնելով իշխանության գլուխ, Սիմեոնը հատուկ ուշադրություն էր դարձնում այն բանին, որ նվիրակների գանձումները դառնային կաթողիկոսության Եկամուտների հիմնական մասը²⁴։

Մի քանի տարի անց, սակայն, դրությունը արժանապես փոխվում է։ 1766 թ. Սիմեոն կաթողիկոսը Պետերբուրգ է առաքում Դավիթ վարդապետին՝ Եկատերինա II կայսրուհուն ուղղված ընդարձակ մի նամակով, որտեղ մանրամասնորեն նկարագրված է էջմիածնի դրությունն ու դերը որպես հայ եկեղեցու միասնական ղեկավար կենտրոնի, որին ենթարկվում են տարբեր երկրներում բնակություն հաստատած բոլոր հայկական համայնքները։ Նա բացատրում է, որ Ռուսաստանում բնակվող հայերն այդ տեսակետից ախոսանքի արժանի բացառություն են կազմում և խնդրում է կայսրուհու կարգադրությունն այն մասին, որ ոչ մի հայ հոգևորական իրավունք չունենա Ռուսաստան այցելել կամ այնտեղ պաշտոն գրավել առանց էջմիածնի կաթողիկոսի համաձայնության²⁵։

Սիմեոնն այդ միջոցին էր դիմել ոչ այնքան Աստրախանի թեմն էջմիածնին Ենթարկելու նպատակով (մի բան, որ ինքնըստինքյան ուներ ոչ պակաս կարևոր նշանակություն, մանավանդ, եթե հաշվի առնենք այդ թեմի հասույթների մեծությունը), որքան Ելնելով հայ ժողովրդի ընդհանուր քաղաքական շահերից։ Սիմեոն կաթողիկոսը, ինչպես գրում էր Լեոն, «ոչինչ վտանգ և անհարմարություն չտեսավ, որ հայոց ընդհանրական կաթողիկոսը խնդրե քրիստոնյա պետության ուշադրությունը... Ինչպես երևում է, Դավիթ վարդապետը ուրիշ հանձնարարություններ և խնդիրներ էլ էր տարել, որոնք վերաբերվում էին հայերի դրության»²⁶։

Սիմեոնը զաղտնի էր պահում առաքելության այն խնդիրները, որոնք անմիջականորեն չէին վերաբերում ռուսահայերի եկեղեցական-իրավական դրությանը²⁷։ Այնուհանդերձ, ռուսահայերի, մասնավորապես Աստրախանի

22 «Ջամբուռ», էջ 39։

23 «Դիւան հայոց պատմութեան», գիրք Գ, էջ 816։

24 Նույն տեղում, էջ 12։ Տե՛ս նաև Մաշտոցի անվ. Մատենադարան, Կաթողիկոսական գիվան, թղթ. 3, վավ. 2։

25 «Ջամբուռ», էջ 39։

26 Լեոն, Կաթողիկոս Հովսեփ Արղության, Իֆիլիս, 1902, էջ 34—35։

27 «Դիւան հայոց պատմութեան», գիրք Գ, էջ 39։

հայերի մեջ կասկած ծագեց այդ առաքելության լայն նպատակների վերաբերյալ: Աստրախանցի երեւելի վաճառականներից մեկը՝ Մովսէս Սարաֆովը փորձեց միջամտել լինել Դավթի ուղեորության իսկական նպատակներին, որն առաջացրեց կաթողիկոսի դժգոհությունը²⁸:

Փաստաթղթերը վկայում են, որ Աստրախանի հայերի մեջ կար կաթողիկոսի գործուն կողմնակիցների մի խմբակ, որոնց թվին էր պատկանում վերոհիշյալ Սարաֆովը: Սերտորեն կապված լինելով ռուսական տնտեսության և Ռուսաստանի կառավարող շրջանների հետ, այդ գործիչները անհրաժեշտ էին համարում վերականգնել էջմիածնի կաթողիկոսության գերակայությունը Աստրախանի թեմի նկատմամբ և իրենց կողմից ըստ ամենայնի նպաստում էին հայ եկեղեցու (որպես հայկական համազգային միակ հաստատության) և ռուսական կառավարության (որպես հալ ազգային-ազատագրական շարժման միակ հուսալի դաշնակցի) միջև եղած կապի ամրապնդմանը: Սարաֆովը, որ կապեր ուներ Պետերբուրգում, ինքն էր առաջարկել կաթողիկոսին իր ծառայություններն այդ հարցում, և կաթողիկոսը Մովսէս Սարաֆովին խընդրել էր հարկ եղած դեպքում օժանդակել Պետերբուրգ ուղարկվող Դավթ վարդապետին²⁹:

Ռուսահայերը, կոահելով Դավթի առաքելության բուն նպատակները, նրան հանդիսավորապես ընդունեցին: Այն լուրը, որ նա բերում է կաթողիկոսի կոնդակը և ընծաները ռուսական կայսրուհուն, շատ մեծ տպավորություն թողեց, և Դավթ վարդապետին պատվով ընդունեցին ոչ միայն հայերը, այլև ռուս պաշտոնական անձինք³⁰:

Դավթ վարդապետի առաքելության քաղաքական կողմերի բացահայտումը և այն բերկրալի ընդունելությունը, որ ցույց տրվեց նրան հայկական զաղխավայրերում, խոսում են այն մասին, որ ռուսահայերը (մասնավորապես աստրախանցիք) ըմբռնում էին Սիմեոնի քաղաքականության նոր կողմերը, որոնք վկայում էին էջմիածնի կաթողիկոսի կողմից հայ ժողովրդի ազատագրության գործում Ռուսաստանի կարևոր դերի բացահայտ ճանաչումը:

Այդ կապակցությամբ, հավանաբար, Աստրախանի հայերի շրջանում հաղթանակել էր Աստրախանի թեմի նկատմամբ էջմիածնի կաթողիկոսի գերակայությունը ճանաչելու տեսակետը, որի արդյունքն էր Սիմեոն կաթողիկոսին հասցեագրված 1767 թ. հունվարի 3-ի վերոհիշյալ պատասխան գրությունը, որով Աստրախանի հայ համայնքի և հոգևորականության կողմից հավանություն էր տրվում թեմը հայոց ծայրագույն պատրիարք Սիմեոնին, այսինքն՝ էջմիածնի մայր աթոռին ենթարկելու առաջարկին, քանի որ հնագույն ժամանակներից ի վեր այն եղել է հայոց միակ համազգային կրոնական կենտրոնը³¹: Այս գրության տակ առաջին ստորագրությունը դրել է ինքը՝ Ստեփանոս արքեպիսկոպոսը: Այնուհետև հետևում են 52 անձանց ստորագրություններ՝ Պյոտր Վարդանով, Ղեոնդ Բունիաթով, Սերգեյ Իվանով, Իգնատի Անսով, Բարթուղիմ Ոսկանով և ուրիշներ, որոնցից 12-ը քահանաներ են:

Էջմիածնին ենթարկվելու իրենց որոշումը նամակի հեղինակները կապում են Գանձասարի կաթողիկոսության մեջ եղած փոփոխությունների հետ:

28 Նույն տեղում, գիրք Ը, Թիֆլիս, 1908, էջ 44:

29 Նույն տեղում, գիրք Գ, էջ 812—813:

30 Նույն տեղում, էջ 813:

31 Մաշտոցի անվ. Մատենադարան, Հաղարյանների արխիվ, թղթ. 109, գործ 22, վավ. 1:

Սակայն, ամենայն հավանականությամբ, այդ սոսկ պատրվակ էր, որ անհրաժեշտ էր իրենց հեղինակությունը պահպանելու համար: Կարծում ենք, որ պատասխանը ստորագրելուն նախորդել էր ուժեղ պայքար համայնքի ներսում, դրանով պետք է բացատրել նաև պատասխանի համառոտությունն ու զուսպ տոնը: Բայց, այնուամենայնիվ, այդ արդեն շրջադարձային քայլ էր, որով վերջ էր տրվում էջմիածնի հետ Աստրախանի թեմի ունեցած կազմակերպական և քաղաքական տարածայնություններին:

1767 թ. մայիսին Ստեփանոսը ստիպված էր գանգատվել արդեն իրեն՝ կաթողիկոսին, որ նվիրակ Հովհաննեսը, Բարթողիմեոս Տեր-Ոսկանյան Փարաղեցին և Մովսես դի Բունիաթ Աստապատեցին (նույն ինքը՝ Մովսես Սարաֆովը—Վ. Ա.) շարունակում են կրքեր գրգռել՝ աղմուկ բարձրացնելով «աննշան գործերի» շուրջ: Ստեփանոսը կաթողիկոսին խնդրում էր ուղարկել մի այլ նվիրակ, որը ավելի հանդուրժող բնավորություն ունենար³²:

Աստրախանում տարածայնությունների վերսկսումը անհանգստացրեց Սիմեոնին, և նա դեռևս 1767 թ. ապրիլի 9-ի նամակով հանձնարարեց. «Վասն գործոյն թէ մինչեւ այժմ խաղացուցանել զձեզ չկարացաք, եթէ այժմ ևս յետ դալոյ Դաւիթ վարդապետին յաջողեսցի գործ քոյ բարի է և թէ ոչ, այլ ինչ մնաց մեզ գրելով ի տեղդ, ել և եկ...»³³:

1767 թ. ամռանը Դաւիթը հասավ Աստրախան և սկսեց զբաղվել նվիրակ Հովհաննեսի և Աստրախանի թեմի ղեկավարության փոխադարձ գանգատների քննությամբ: Սեպտեմբերի 25-ին Ստեփանոս արքեպիսկոպոսը կաթողիկոս Սիմեոնին ուղարկեց այն բացատրությունների տեքստը, որ նա տվել էր Դաւիթ վարդապետին՝ ի պատասխան նվիրակի գանգատի³⁴:

Սեպտեմբերի վերջին Սիմեոնին ուղղած իր հաշվետվության մեջ Դաւիթը տեղեկություններ է հաղորդում իր առաքելության հաջողության մասին ինչպես ցարական արքունիքի հետ ունեցած բանակցությունների, այնպես էլ աստրախանցիներին խաղաղեցնելու գործում. «Ի հասանիլն ի Հաշտարխան, ըստ պատուիրանի սրբազան վեհին,— գրում է նա,— արարեալ իմ զհաշտութիւն ի մէջ ժողովրդեանն և նուիրակին»³⁵:

Ստեփանոս և պիսկոպոսը նույնպես մանրամասն հաշվետու է լինում Սիմեոնին, հայտնելով, որ Հովհաննես նվիրակի նկատմամբ իր և աստրախանցի հայ համայնքի այլ անվանի անձանց միջև ծագած վեճերը բնավ չեն խանգարել էջմիածնի նկատմամբ իրենց հավատարմությանը, այլ արդյունք են նվիրակի դյուրաբորբոք բնավորության և սխալ գործելակերպի:

Ստանալով այդ տեղեկությունները, կաթողիկոսը հոկտեմբերի վերջին շնորհակալական կոնդակ է ուղարկում Աստրախանի հայ բնակչությանը³⁶:

Մեկ տարի անց, 1768 թ. հունիսի 30-ին հրապարակվեց Եկատերինա II-ի հայտնի հրովարտակը, որտեղ նա, Պետրոս I-ի և Եկատերինա I-ի օրինակով, ինչպես ներկա «ազնվափայլ Սիմեոնին», այնպես էլ նրա պատրիարքական աթոռի հաջորդներին, այնուհետև բոլոր յուրբաշխներին և կառավա-

32 Նույն տեղում, Կաթողիկոսական դիվան, թղթ. 3, վավ. 14:

33 «Դիւան հայոց պատմութեան», գիրք Գ, էջ 683:

34 Մաշտոցի անվ. Մատենադարան, Կաթողիկոսական դիվան, թղթ. 3, վավ. 2:

35 «Դիւան հայոց պատմութեան», գիրք Ը, էջ 22—23:

36 Նույն տեղում, էջ 23—24:

րիչներին ու ողջ հայ ժողովրդին կայսերական բարեհաճություն ու ողորմածություն հայտնելով, թույլատրում էր հայոց կաթողիկոսին՝ իրենց կրոնական օրենքով տնօրինել ուսական կայսրության մեջ ապրող հայ ժողովրդի հոգեվոր դործերն ու եկեղեցական ծիսակատարությունները³⁷։

Ինչպես տեսնում ենք, հրովարտակով բավարարվում էին ինչպես ռուսացի, այնպես էլ Սիմեոնի պահանջները։ Դավիթ վարդապետի առաքելության առանձնահատուկ հաջողությունը պետք է բացատրել նաև նրանով, որ հենց նույն այս ժամանակ նախապատրաստվում էր ռուս-թուրքական պատերազմ, ուստի ցանկալի էր համարվում Ռուսաստանում բնակվող հայերի ազատագրական տրամադրությունների ակտիվացումը։

Այդ ժամանակ Ստեփանոս արքեպիսկոպոսն այլևս կենդանի չէր (նա մահացել էր 1768 թ.), ուստի նրա փոխարեն նույն թվականին Աստրախան ժամանեց Սիմեոնի կողմից նշանակված Մինաս արքեպիսկոպոսը։ Հինգ տարի անց կաթողիկոսն այդ պաշտոնը հանձնեց երիտասարդ Հովսեփ Արղուժյան-Երկայնաբազուկ արքեպիսկոպոսին, որի անձը առավել հարմար էր հայ-ուսական քաղաքական կապերի շարունակվող ամրապնդման համար։ Ապագան հաստատեց, թե որքան հաջող էր այդ ընտրությունը։

Ուշագրավ է նշել, որ Արղուժյանը ռուսահայ թեմական կենտրոն Աստրախանում համեմատաբար քիչ էր լինում։ Հիմնականում նա մնում էր Պետերբուրգում, Մոսկվայում կամ հայկական նորակառույց Նոր Նախիջևան և Երիզորթուպոլ քաղաքներում, քանի որ այդ տարիներին հենց այդ կենտրոններում էին վճռվում ռուսահայերի առջև ծառացած բախտորոշ խնդիրները։

1780 թ. սկզբին Արղուժյանը և Հ. Լազարևը Պետերբուրգում հանդիպում են Սուվորովի հետ։ Դրանից քիչ առաջ, 1779 թ. նոյեմբերին, հրապարակվել էր Սկատերինա II-ի հրովարտակր՝ Նոր Նախիջևանի հիմնադրման մասին, և Արղուժյանը մի քանի տարի իր հիմնական ուշադրությունը կենտրոնացրել էր Ղրիմից արտագաղթած հայերի վերաբնակեցման հետ կապված խնդիրների վրա։ 1787—1791 թթ. ռուս-թուրքական պատերազմի ժամանակ Հովսեփ արքեպիսկոպոսն ուղևորվեց ռազմական գործողությունների շրջանը (Հյուսիսային Մերձսևծովյան շրջան)։

Մի կողմից հայ ազգային-ազատագրական շարժման վերելքի և Գովկասում Ռուսաստանի ռազմաքաղաքական միջոցառումների ակտիվացման և մյուս կողմից՝ Հովսեփ արքեպիսկոպոսի հայրենասիրական լայն գործունեության ու Ռուսաստանի հայ գաղութների քաղաքական դերի բարձրացման շնորհիվ էլ ավելի աճեց Աստրախանի հայկական թեմի քաղաքական նշանակությունը։

1785 թ. Աստրախանում հիմնվեց հայկական կոնսիստորիա։ 1786 թ. օգոստոսի 19-ի սենատական հրամանագրով այդ կոնսիստորիան ենթարկվեց հայ թեմական առաջնորդի ատյանին³⁸։

Պավել I-ի՝ 1799 թ. հոկտեմբերի 28-ի հրովարտակով հայկական հոգևոր վարչություններ էին հիմնվում նաև Ռուսաստանի ուրիշ հայկական գաղթավայրերում, ընդ որում, նրանք բոլորը պետք է ենթարկվեին Աստրախանի

³⁷ «Собрание актов, относящихся к обозрению истории армянского народа», ч. I, էջ 174—175։

³⁸ Նույն տեղում, էջ 204—205։

Հայկական կոնսիստորիային՝ Այսպիսով, եթե Սահմանադրական արքեպիսկոպոսը սկզբնապես Ռուսաստանի Հայկական թեմի առաջնորդության համար կոչված անձանց թեկնածության համաձայնեցումը ուսական կառավարության հետ, ապա Հոփսեփ արքեպիսկոպոսի ջանքերով այդ թեմի Հայկական եկեղեցական-իրավական օրգանների ամբողջ կառուցվածքը կապվում էր ուսական օրենսդրության հետ:

Հ. Արղությանի գործունեության բազմաթիվ ղեկավարած գաղմանավորված էր պարսկական և թուրքական տիրապետությանից Անդրկովկասի ժողովուրդների ազատագրման գործում Ռուսաստանի հարաճուն զերով: Այդ կապակցությամբ XVIII դարի վերջին տասնամյակներին առավել բարձրացավ ուսական հայ գաղթավայրերի բազմաթիվ նշանակությունը և ափսի ամրապնդվեց նրանց կապը հայ ժողովրդի ազգային-ազատագրական շարժման հետ:

ИЗ ИСТОРИИ АРМЯНО-РУССКИХ ПОЛИТИЧЕСКИХ СВЯЗЕЙ

В. А. ХАЧАТУРЯН

(Резюме)

В период отсутствия армянской государственности деятельность армяно-григоринской церкви и ее представителей принимала зачастую политический характер. Очень заметной такая роль церкви была и в армянских колониях. Ряд документов, относящихся к истории Астраханской армянской епархии, проливает свет на историю укрепления русской ориентации в высших кругах армянской церкви.

Документы, относящиеся к борьбе эчмιάдзинского и гандзасарского католикосов за назначение своих представителей на пост епархиального начальника российских армян, раскрывают политические причины этого соперничества. Хотя руководство Эчмιάдзина понимало значение российской епархии как одного из главных оплотов армянского освободительного движения, но по тактическим соображениям оно избегало установления политических контактов с правительством России. В то же время гандзасарские католикосы принимали активное участие в освободительной борьбе армянского народа и имели опыт военно-политического сотрудничества с Россией. Поэтому астраханские армяне делали выбор в пользу кандидатуры, выдвинутой гандзасарским католикосом и поддерживаемой русским правительством.

Со второй половины XVIII в., в результате покровительственной политики России в отношении армянских колоний, повышения их политического авторитета в армянском освободительном движении и установления контактов эчмιάдзинских католикосов с правительством России, происходит улучшение отношений Эчмιάдзина с астраханской епархией, игравшей важную роль в установлении политических связей руководства армянской церкви с Россией.